



Broj: 05-JN1-16-4-TB-32-17/20
Sarajevo, 28.09.2020. godine

Na osnovu člana 64. stav (1) tačka b) i člana 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktor Direkcije za evropske integracije d o n o s i:

O D L U K U o izboru najpovoljnijeg ponuđača

I

Na osnovu provedenog postupka nabavke putem konkurentskog zahtjeva za pružanje usluge posredovanja u nabavci avionskih karata kao najpovoljniji ponuđač izabran je ponuđač TRAVEL CENTAR d.o.o. Sarajevo po ukupnoj cijeni ponude bez PDV-a u iznosu od 3.410,00 KM, sa kojim će se zaključiti Okvirni sporzum za predmetnu nabavku.

II

- (1) Ova Odluka će se objaviti na internet stranici Direkcije za evropske integracije te istovremeno uputiti svim učesnicima koji su učestvovali u postupku javne nabavke, u skladu sa članom 70. stav (6) Zakona.
- (2) Odluka stupa na snagu danom donošenja.

O b r a z l o ž e n j e

Odlukom broj: 05-JN1-16-4-TB-32/20 od dana 17.06.2020. godine pokrenut je konkurentski zahtjev za pružanje usluge posredovanja u nabavci avionskih karata, za potrebe Direkcije za evropske integracije.

U skladu sa članom 35. stav 1. i 36. stav 1. Zakona o javnim nabavkama („Službeni glasnik BiH“, broj 39/14) (u daljem tekstu: Zakon), Ugovorni organ objavio je obavještenje o pokretanju konkurentskog zahtjeva za pružanje predmetnih usluga na Portalu javnih nabavki Bosne i Hercegovine, broj obavještenja: 231-7-2-83-3-6/20.

Do krajnjeg roka za dostavu ponuda, na Protokol Direkcije za evropske integracije, prispjele su ukupno 4 koverta, uredno zapečaćene i neotvorene niže navedenih ponuđača:

Broj protokola	Naziv ponuđača	Datum prijema
05-JN1-16-4-TB-32-9/20	Centrotrans - eurolines D.D. Sarajevo	25.08.2020. godine
05-JN1-16-4-TB-32-10/20	Travel plan d.o.o. Banja Luka	26.08.2020. godine
05-JN1-16-4-TB-32-11/20	TRAVEL CENTAR d.o.o. Sarajevo	26.08.2020. godine
05-JN1-16-4-TB-32-12/20	RELAX TOURS d.o.o. Sarajevo	26.08.2020. godine

U skladu sa članom 5. i članom 8. Pravilnika o uspostavljanju i radu Komisije za nabavke („Službeni glasnik BiH", broj 103/14), Komisija je izvršila ocjenu i odabir najpovoljnije ponude za pružanje usluge posredovanja u nabavci avionskih karata te sačinila Zapisnik sa detaljnim obrazloženjem odabira.

Na zatvorenom sastanku, Komisija je pristupila pregledu opće dokumentacije, odnosno ocjeni kvalifikacije ponuđača, a imajući u vidu zahtijevane uslove za učešće, odnosno dokaze o ispitivanju istih.

Nakon pregleda, Komisija je konstatovala da ponuda ponuđača Travel plan d.o.o. Banja Luka nije prihvatljiva, jer dostavljeni Obrazac za cijenu ponude nije popunjen u skladu sa zahtjevima iz tenderske dokumentacije.

Naime, ponuđač Travel plan d.o.o. Banja Luka u svojoj ponudi broj: 01/20 od dana 24.08.2020. godine dostavio je Obrazac za cijenu ponude, ali u koloni koja se odnosi na UKUPNU CIJENU PONUDE SA POPUSTOM BEZ PDV-a SLOVIMA ponuđač je znamenkastim brojevima upisao iznos od 3.800,00 KM, što nije u skladu sa zahtjevima iz tenderske dokumentacije. Ponuđač je morao da navede ponuđenu cijenu SLOVIMA, a ne znamenkastim brojevima. Također, u dostavljenom Obrascu za cijenu ponude Komisija je konstatovala da je ponuđač Ukupnu cijenu sa popustom bez PDV-a naveo u iznosu od 3.248,00 KM, a Ukupnu cijenu sa popustom bez PDV-a Slovima, ponuđač je naveo u iznosu od 3.800,00 KM.

U skladu sa navedenim, Komisija je konstatovala da Obrazac za cijenu ponude ponuđača Travel plan d.o.o. Banja Luka nije popunjen u skladu sa zahtjevima iz tenderske dokumentacije, te da je taj ponuđač nekvalifikovan.

Nakon eliminisanja nekvalifikovanog ponuđača Travel plan d.o.o. Banja Luka, Komisija konstatuje da su ostali ponuđači u predmetnom postupku dostavili dokaze u smislu tražene dokumentacije, ispunili kvalifikacione uslove za učešće, te su njihove ponude kvalifikovane.

Komisija konstatuje da su ponuđači dostavili ukupne vrijednosti svojih ponuda kako slijedi:

Naziv ponuđača	Ukupna cijena ponude bez PDV-a	Ponuđeni popust	Ukupna cijena ponude sa popustom bez PDV-a
TRAVEL CENTAR d.o.o. Sarajevo	5.128,00	0,00	5.128,00
RELAX TOURS d.o.o. Sarajevo	7.692,00	0,00	7.692,00
Centrotrans - eurolines D.D. Sarajevo	10.000,00	0,00	10.000,00

Na osnovu Pravilnika o uslovima i načinu korištenja e-aukcije, („Službeni glasnik BiH", broj 66/17), u predmetnom postupku zakazana je i provedena e-aukcija dana 21.09.2020. godine u 12.00 sati na Portalu javnih nabavki.

Ponuđači su tokom e-aukcije podnosili ponude, te je konačna rang lista kako slijedi:

Redni broj	Naziv ponuđača	Konačna cijena u KM bez PDV-a	Rang
1	TRAVEL CENTAR d.o.o. Sarajevo	3.410,00	1
2	RELAX TOURS d.o.o. Sarajevo	3.418,00	2
3	Centrotrans - eurolines D.D. Sarajevo	3.999,88	3

Na osnovu Izvještaja o toku i završetku e-aukcije, a u skladu sa kriterijem „najniža cijena“, Komisija je dala preporuku direktoru Direkcije za evropske integracije da donese Odluku o izboru najpovoljnijeg ponuđača i dodjeli Okvirni sporazum za pružanje usluge posredovanja u nabavci avionskih karata ponuđaču TRAVEL CENTAR d.o.o. Sarajevo po ukupnoj cijeni ponude bez PDV-a u iznosu od 3.410,00 KM.

Također, Komisija je konstatovala da je izabrani ponuđač obavezan da u ostavljenom roku dostavi dokaze o kvalificiranosti prema članu 45. Zakona nakon čega će se početi sa procedurom zaključenja Okvirnog sporazuma.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku. Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, Okvirni sporazum za pružanje usluge posredovanja u nabavci avionskih karata dodjeljuje se ponuđaču TRAVEL CENTAR d.o.o. Sarajevo po ukupnoj cijeni ponude bez PDV-a u iznosu od 3.410,00 KM.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 5 (pet) dana od dana prijema ove odluke.



Dostaviti:

1. Na web stranicu Direkcije za evropske integracije
2. Učesnicima u javnoj nabavci
3. a/a